

《金剛經》 第三講 相對與超越

胡健財/113.3.10

9. 須菩提！於意云何？須陀洹能作是念：『我得須陀洹果』不？

10. 佛告須菩提：「於意云何？如來昔在然燈佛所，於法有所得不？」

11. 佛告須菩提：「若善男子、善女人，於此經中，乃至受持四句偈等，
為他人說，而此福德勝前福德。」

12. 當知是人成就最上第一希有之法，若是經典所在之處，則為有佛，
若尊重弟子。

◆ 問題討論：

1. 「無」的真理該如何理解？
2. 菩薩度眾布施，該如何生心？
3. 何謂「福報」與「功德」？佛教徒應以甚麼態度來理解？
4. 《金剛經》所在之處，即是有佛與受人尊敬的佛弟子存在，理由為何？

◆ 經文：

一相無相分第 9	<p>「須菩提！於意云何？ 須陀洹能作是念：『我得須陀洹果』不？」 須菩提言：「不也，世尊！ 何以故？ 須陀洹名為入流，而無所入， 不入色、聲、香、味、觸、法， 是名須陀洹。」</p> <p>「須菩提！於意云何？ 斯陀含能作是念：『我得斯陀含果』不？」 須菩提言：「不也，世尊！ 何以故？ 斯陀含名一往來，而實無往來， 是名斯陀含。」</p>
----------	---

	<p>「須菩提！於意云何？ 阿那含能作是念：『我得阿那含果』不？」 須菩提言：「不也，世尊！ 何以故？ 阿那含名為不來，而實無不來， 是故名阿那含。」 「須菩提！於意云何？ 阿羅漢能作是念：『我得阿羅漢道』不？」 須菩提言：「不也，世尊！ 何以故？ 實無有法名阿羅漢。 世尊！若阿羅漢作是念：『我得阿羅漢道』，即為著我、 人、眾生、壽者。 世尊！佛說我得無諍三昧，人中最為第一，是第一離欲 阿羅漢。世尊！我不作是念：『我是離欲阿羅漢』。 世尊！我若作是念：『我得阿羅漢道』，世尊則不說須菩提 是樂阿蘭那行者！ 以須菩提實無所行，而名須菩提，是樂阿蘭那行。」</p>
<p>莊嚴淨土分第 10</p>	<p>佛告須菩提：「 於意云何？ 如來昔在然燈佛所，於法有所得不？」 「不也，世尊！ 如來在然燈佛所，於法實無所得。」 「須菩提！ 於意云何？ 菩薩莊嚴佛土不？」 「不也，世尊！ 何以故？ 莊嚴佛土者，則非莊嚴， 是名莊嚴。 是故，須菩提！ 諸菩薩摩訶薩應如是生清淨心： 不應住色生心， 不應住聲、香、味、觸、法生心， 應無所住而生其心。 須菩提！ 譬如有人，身如須彌山王，</p>

	<p>於意云何？ 是身為大不？」 須菩提言：「甚大，世尊！ 何以故？ 佛說非身，是名大身。」</p>
無為福勝分第 11	<p>「須菩提！ 如恒河中所有沙數，如是沙等恒河， 於意云何？ 是諸恒河沙，寧為多不？」 須菩提言：「甚多，世尊！ 但諸恒河尚多無數，何況其沙！ 須菩提！ 我今實言告汝： 若有善男子、善女人， 以七寶滿爾所恒河沙數三千大千世界，以用布施， 得福多不？」 須菩提言：「甚多，世尊！」 佛告須菩提：「 若善男子、善女人， 於此經中，乃至受持四句偈等，為他人說， 而此福德勝前福德。」</p>
尊重正教分第 12	<p>「復次， 須菩提！ 隨說是經，乃至四句偈等， 當知此處，一切世間天、人、阿修羅，皆應供養， 如佛塔廟， 何況有人盡能受持讀誦。 須菩提！ 當知是人成就最上第一希有之法， 若是經典所在之處， 則為有佛， 若尊重弟子。」</p>